

Dementia Gwynedd

MAI 2024 / CYF. 1

Croeso i rifyn cyntaf Cylchlythyr Dementia Gwynedd!

Mae *Dementia Gwynedd* yn fenter a arweinir gan Gyngor Gwynedd sy'n gweld sefydliadau, gweithwyr proffesiynol, rhanddeiliaid a phobl sy'n cael eu heffeithio gan ddementia yn cydweithio o dan un faner. Nod Dementia Gwynedd yw sicrhau bod pobl yn cael mynediad rhwydd at wybodaeth, cyngor a chefnogaeth yn eu cymunedau - gan eu helpu i fyw cystal â phosibl drwy gydol eu taith dementia.

Cydlynu Dementia Gwynedd

Mae Emma Quaeck yn Rheolwr Prosiect i dîm Cefnogi Iechyd a Llesiant, Cyngor Gwynedd gyda rôl benodol o gydlynu cefnogaeth dementia. Mae hi hefyd yn arwain tîm Dementia Actif Gwynedd ac yn gyfrifol am dod a gwaith Dementia Gwynedd at ei gilydd.

Manylion cyswllt :-

emmajaynequaeck@gwynedd.llyw.cymru
07768 988095

Rhowch wybod i Emma os hoffech chi rannu unrhyw wybodaeth ar gyfer rhifynnau'r Cylchlythyr yn y dyfodol.

“

Datblygu brand sy'n helpu pobl sydd wedi'u heffeithio gan ddementia yng Ngwynedd i wybod y byddan nhw'n cael eu cefnogi



Rhoi gwybod i chi beth rydym yn ei wneud

Bydd y Cylchlythyr hwn yn rhoi diweddariadau am y Cynllun Strategol Dementia Gwynedd lleol ac yn rhannu gwybodaeth a straeon newyddion da. Bydd y Cylchlythyr yn cael ei gyhoeddi bob chwarter. Bydd yn cael ei ddsbarthu mor bell ac agos â phosibl i weithwyr proffesiynol, pobl wedi'u heffeithio gan ddementia a'r cyhoedd.

Sŵper Grŵp Dementia Gwynedd



Y Sŵper Grŵp, sydd wedi'i enwi'n briodol, yw lle mae gweithwyr proffesiynol dementia a phobl sydd wedi'u heffeithio gan ddementia yn ymgynnull bob chwarter yn y Neuadd Goffa ym Mhenrhyndeudraeth. Mae'n gyfle euraidd i bobl ddod i adnabod ei gilydd, deall rolau ei gilydd, rhannu gwybodaeth a chlywed straeon a phrofiadau bywyd go iawn. Bydd aelodau'r Grŵp yn cydweithio i helpu i sicrhau gwasanaethau di-dor i bobl sy'n cael eu heffeithio gan ddementia yng Ngwynedd.

Sefydlwyd y Grŵp yn Ebrill 2023 a'r dasg gyntaf i'r aelodau oedd trafod Strategaeth Dementia Gwynedd leol.



“


Rhwydweithio gwyb, mae pawb yn dechrau cyd-dynnu. Mae angen adeiladu ar ein cryfderau yma yng Ngwynedd ac mae angen gweithio'n llawer agosach gyda'n gilydd i sicrhau cysondeb o ran mynediad at wasanaethau i bobl.

Aelod o'r Sŵper Grŵp

Cynllun Strategaeth Byw'n Dda : Cefnogi'n Dda

Lluniodd aelodau'r Sŵper Grŵp 6 thema sy'n ffocws i'r Cynllun Strategol. Bydd gan bob thema gamau gweithredu penodol i helpu i wella cefnogaeth i bobl yng nghymunedau Gwynedd.

Dyma'r 6 Thema:-



Gweithwyr proffesiynol a phobl sydd wedi'u heffeithio gan ddementia yn cael y cyfle i gydweithio



Bydd pobl sy'n cael eu heffeithio gan ddementia yn cael y cyfle i fod yn rhan o bob trafodaeth a phenderfyniad



Gofalu am ofalwyr - cymorth i ofalwyr di-dâl ac aelodau o'r teulu a ffrindiau o bob oed



Codi ymwybyddiaeth am ddementia a sut i wella iechyd yr ymennydd



Cadw pobl yr effeithir arnynt gan ddementia yn gysylltiedig trwy weithgareddau priodol ac ystyrlon



Pwysigrwyd y Gymraeg a diwylliant Cymru

A ydych chi'n cael eich effeithio gan ddementia - hynny yw, a ydych chi wedi cael diagnosis neu a ydych chi'n ofalwr di-dâl, aelod o'r teulu neu ffrind sy'n gofalu am rywun â dementia?

Hoffech chi gael y cyfle i rannu eich profiadau a'ch safbwyntiau?

Beth am ymuno â'r Sŵper Grŵp?

Cysylltwch ag Emma 07768 988095
emmajaynequack@gwynedd.llyw.cymru

Dementia Actif Gwynedd



Yn darparu gweithgareddau corfforol a chymdeithasol i bobl sy'n poeni am eu cof, sydd wedi cael diagnosis o ddementia, gofalwyr di-dâl, ffrindiau a theulu ac oedolion hŷn. Mae'r dosbarthiadau'n rhoi'r newid i bobl fod yn actif, cael hwyl a bod yn rhan o grŵp cymunedol lle mae pawb yn deall ac yn cefnogi ei gilydd.

Ar hyn o bryd mae 16 o ddosbarthiadau Dementia Actif yn rhedeg yng Ngwynedd. Gallwch gael eich atgyfeirio gan eich arbenigwr dementia neu feddyg teulu, neu gallwch ddod i ddosbarth. Mae'n costio £3.00 sy'n cynnwys paned.



Dementia Actif yw ein 'go to place' lle gallwn wneud ymarfer corff, cyfarfod â phobl, rhannu profiadau a datrys problemau gyda'n gilydd

Aelod Dementia Actif

Rwy'n teimlo bod gen i fwy o hyder ac rydw i mor falch fy mod i'n gallu cymdeithasu. Mae fy symudiadau a balans yn well yn dilyn yr ymarferion rydyn ni'n gweithio arnyn nhw bob wythnos

Aelod Dementia Actif

Am fwy o wybodaeth:-

☎ 07768 988095

✉ dementiaactif@gwynedd.llyw.cymru

www.dementiaactifgwynedd.cymru

Facebook Dementia Actif Gwynedd



**Dementia
North Wales**
Memory Support Pathway

Nod Llwybr Cefnogi Cof Gogledd Cymru yw darparu cefnogaeth i unrhyw un sydd yn :

- Poeni am eu cof
- Byw gyda dementia gartref neu yn yr ysbyty
- Gofalwyr di-dâl, teulu neu ffrindiau

Mae'r Llwybr yng Ngwynedd yn cynnwys 3 sefydliad sy'n cydweithio:

- Y Gymdeithas Alzheimer's
- Ymddiriedolaeth Gofalwyr Gogledd Cymru
- Gwasanaeth Cynnal Gofalwyr

Maen nhw'n cefnogi pobl dros y ffôn neu wyneb yn wyneb ac yn rhoi cyngor ac arweiniad, a'r cyfle i gwrdd ag eraill sy'n byw gyda dementia.

Os oes gennych unrhyw ymholiadau ynghylch sut i gael mynediad at unrhyw ran o'r cymorth hwn, cysylltwch â:

01492 542212

Canolfannau Dementia yng Ngwynedd

Mae'r Canolfannau Dementia yn rhan o'r Llwybr Cymorth Cof. Mae 2 ganolfan yng Ngwynedd:-

Bangor- Ardudwy, Normal Site, Holyhead Road, Bangor, Gwynedd LL57 2PJ

Oriau agor -

Dydd Iau 10:00-4:00yh

Criccieth- Encil y Coed, 56 Stryd Fawr, Criccieth, Gwynedd LL52 0RN

Oriau agor Dydd Llun & Mawrth 10:00-4:00yh.

Am fwy o wybodaeth cysylltwch â Rachel rachel.collins@ctnw.org.uk 07943 419782

Ymgyrch Gwrando Dementia - Tywyn

Mae'r Ymgyrch Gwrando yn rhan o Lwybr Safonau Gofal Dementia Cymru Gyfan sy'n ymwneud ag ymgysylltu â'r gymuned i nodi beth mae gofal dementia yn ei olygu i gymuned. Cynhaliodd Dementia Actif Ddigidwyddiad Ymgyrch Gwrando yn Neuadd Pendre, Tywyn ar 19eg Ionawr 2024. Roedd y digwyddiad yn cynnwys cyflwyniadau, stondinau gwybodaeth, gweithgareddau a chyfle i gasglu barn ar arolwg. Mae canfyddiadau'r arolwg yn cyd-fynd yn agos â phrif themâu Strategaeth Dementia Gwynedd. Cysylltwch ag Emma am gopi o'r adroddiad.

Mae digwyddiad dilynol yn cael ei gynllunio i roi'r wybodaeth ddiweddaraf i'r rhai a fynychodd ac i drafod cydweithio i helpu i greu Cymuned Gyfeillgar i Dementia yn Nhywyn. Os hoffech chi gael gwybod mwy, neu os hoffech chi gymryd rhan, cysylltwch â:

**Rachael - rachaeldeniseroberts@bywniach.cymru
07976 622591**

Eiliadau Hud - gweithgaredd rhwng cenedlaethau

Fel rhan o'r digwyddiad Ymgyrch Gwrando yn Nhywyn, bu Rachael Roberts o'r tîm Dementia Actif a Mirain Llwyd Roberts, Cydlynnydd Oed Gyfeillgar i ymweld â'r ysgol leol Ysgol Penybryn i gyflwyno sesiwn Ffrindiau Dementia i helpu i godi ymwybyddiaeth am ddementia.

Yna gwahoddwyd rhai o'r disgyblion i'r digwyddiad ar y 19eg o Ionawr i gymryd rhan mewn sesiwn Holi ac Ateb gyda Teresa Davies a Glenda Roberts, sy'n byw gyda dementia. Dyma'r eitem fwyaf poblogaidd ar yr agenda wrth i'r disgyblion ofyn cwestiynau dilys ac agored i ddarganfod mwy am sut beth yw byw gyda dementia. Rhannodd Teresa a Glenda fewnwelediadau gwych wedi'u cydblethu â'u synnwyr digrifwch unigryw. Roedd y plant wrth eu bodd yn rhan o'r digwyddiad a chafwyd adborth gwych gan y rhieni wrth iddynt glywed yr hyn yr oeddent wedi'i ddysgu am ddementia a'r "merched bendigedig a doniol" yr oeddent wedi cyfarfod â nhw.



Gwynedd Oed Gyfeillgar

Mae Cyngor Gwynedd yn gweithio i fod yn awdurdod lleol oed gyfeillgar erbyn 2025, mae hyn yn cyd-fynd a'r gwaith cenedlaethol gan Llywodraeth Cymru a Comisiynydd Pobl Hŷn Cymru.

Mae'r agenda yma yn cyd-fynd gyda gwaith Sefydliad Iechyd y Byd ac mae cais Gwynedd wedi'i gyflwyno a'i dderbyn. Bydd modd ei ddarllen ar wefan Cyngor Gwynedd:- www.gwynedd.llyw.cymru

Cysylltwch a :-

Arweinydd Oed-Gyfeillgar y Cyngor

- Mirain Llwyd Roberts
- 01286 682818
- oedgyfeillgar@gwynedd.llyw.cymru






Gwibdaeth Gwybodaeth DEMENTIA GWYNEDD

| | | |
|---|---|---|
| MAWRTH 02/07/2024 1:00-4:00 | IAU 04/07/2024 10:00-2:00 | GWENER 05/07/2024 11:00-2:00 |
| Canolfan Fenter Congl Meinciau Botwnnog LL53 8RA | Llyfrgell Rhydd Mill Street Dolgellau LL40 1AL | Porthi Dre St Helen's Road Caernarfon LL55 2YD |

Dewch i ofyn i'r gweithwyr proffesiynol am wybodaeth & cyngor os ydych chi'n poeni am eich cof, yn aros am ddiagnosis neu wedi cael diagnosis o ddementia, neu'n gofalu am rywun â dementia.

SEFYDLIADAU SY'N MYNYCHU

Cynnal Gofalwyr, Ymddiriedolaeth Gofalwyr, Cymdeithas Alzheimer's, Cyngor Gwynedd, Bwrdd Iechyd, Dementia Actif Gwynedd, Age Cymru Gwynedd & Mon, Prosiect Eiriolaeth Age Cymru, Gofal a Thrwsio

| | | |
|---|---|---|
| Lluniaeth  Panad a lluniaeth ysgafn ar gael ymhob digwyddiad Cinio ar gael yn Nolgellau a Chaernarfon; mae'n rhaid archebu. | Gweithgareddau  Adweitheg dwylo:- 2-3yh Botwnnog 12:00-1:00yh Dolgellau 12-1:00yh Caernarfon Sesiwn Ymarferion ysgafn ym mhob digwyddiad | Cysylltwch  Am fwy o wybodaeth ac i logi lle 01248 370797 |
|---|---|---|

Sefydliadau yn cydweithio



GIG
CYMRU
NHS
WALES

Bwrdd Iechyd Prifysgol
Betsi Cadwaladr
University Health Board

CARERS TRUST



**Dementia
North Wales**
Memory Support Pathway



Gwynedd a Môn
age Cymru



Byw'n Iach



bywyd

GWASANAETH CYNNAL GOFALWYR
CARERS OUTREACH SERVICE

LIFE



**Dementia
Actif
Gwynedd**



BWRDD PARTNERIAETH RHANBARTHOL
GOGLEDD CYMRU
NORTH WALES
REGIONAL PARTNERSHIP BOARD



PRIFYSGOL
BANGOR
UNIVERSITY

ERYRI
CYDWEITHREDOL



ERYRI
CO-OPERATIVE

CEFNOCI CHI • SUPPORTING YOU

Am wybodaeth cysylltwch â:-

emmajaynequaeck@gwynedd.llyw.cymru

07768 988095